

Nunat Aqqinik Aalajangiisartut
juunip 17-anni aamma juulip 8-anni 2010-mi
Oqaasileriffimmi ataatsimiinnerat

Juunip 17-anni 2010-mi ataatsimiinnermi:

Peqataasut.: Carl Christian Olsen, Stephen Heilmann aamma Abia Abelsen

Allatsi: Lisathe Møller Kruse.

Peqataaangitsut: Karl Elias Olsen, aallaqqanini pissutigalugu. Tukummeq Qaavigaq aamma angalanini pissutigalugu.

Juulip 8-anni 2010-mi ataatsimiinnermi:


Peqataasut.: Carl Christian Olsen, Tukummeq Qaavigaq, aamma Abia Abelsen

Allatsi: Lisathe Møller Kruse.

Peqataaangitsut: Stephen Heilmann.

Oqaluuserineqartut makkuupput:

1. Tikilluaqqusineq
2. Imaqarniliap akuerinera (*maajip 10-anni ataatsimiinnermit imaqarniliaq*)
3. Nunat aqqi siorna nalunaarsorsimasat akuerinissaat (*Qasigiannguut Qeqertarsuullu eqqaanni nunat aqqi nalunaarsukkat akuerititassat. Taassuma saniatigut Mapinfo-mi inissilluakkat nalunaarsugaataareersut qimerluugassat*)
4. Nunat aqqi siorna nalunaarsorsimasat akuerinissaat (*Ilulissat Ummannallu eqqaanni nunat aqqi nalunaarsukkat akuerititassat. Taassuma saniatigut naqqiutit akueritinnissaat, kiisalu Mapinfo-mi inissilluakkat nalunaarsugaataareersut qimerluugassat*)
5. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

2. pillugu –

Maajip 10-anni 2010-mi Nunat Aqqinik Aalajangiisartut ataatsimiinnerannit imaqarniliaq akuerineqarpoq.

3. pillugu –

Aggustimi 2009-mi Qasigiannugit Qeqertarsuullu eqqaanni nunat aqqi Nuka Møllerimit nutaatut nalunaarsorneqartut 62-iupput, Nunallu Aqqinik Aalajangiisartunit 58-it akuerineqarlutik. Nunat aqqi tallimat akuerineqanngikkallartut nunat aqqinik ilisimasalinnut apeqqutigineqartussat tassaapput; Itillittaaq, Umiartorfik, Saqqarliit Ilorliit kiisalu Qeqertavaqqikasik.

Lars Johansenimut:

- **Itillittaaq Itillittaaq**-juinnassanersoq **Itillitsiaq**-nngortinneqassanersorluunniit aalajangertinnagu isumaa paasiniarneqaqqaassaaq.
- **Umiartorfik** qanoq isumaqartinneqarnersoq paasiniarneqaqqaassaaq, **Umiartorfik**-unersoq ilanngullugu paasiniarneqassalluni.

Nikolaj Olsenimut:


- **Saqqarliit Ilorliit**-nik ateqarnersoq **Akulliit Illua Ilorleq**-milluunniit ateqarnersoq paasiniarneqassaaq.

Magnus Vetterlainimut:

- **Qeqertavaqqikasik** qanoq isumaqartinneqarnersoq paasiniarneqassaaq.

Nalunaarsorlaat saniatigut nunat aqqi Mapinfo-mi inissaannut inissilluakkat 138-t inissilluarneqarsimapput.

4. pillugu -



2009-mi juulimi Ilulissat Ummannallu eqqaanni Lisathe Møller Kruse nunat aqqinik nalunaarsuivoq umiatsiamik nunaqarfiit tikittarlugit suliaqarluni. Ilulissat eqqaanni nunaqarfiinilu nunat aqqi nalunaarsugaatigineqanngitsut 364-it nutaatut nalunaarsorneqarput, Ummannallu eqqaanni nunaqarfiinilu nunat aqqi nalunaarsugaatigineqanngitsut 706-t nutaatut nalunaarsugaatigineqalerlutik.

Taakku saniatigut Ilulissat Ummannallu eqqaanni nunat aqqi naqqiissutit 208-t Nunat Aqqinik Aalajangiisartunit aaqqinneqarlutik akuerineqarput.

Nalunaarsorlaat naqqiissutillu saniatigut nunat aqqi Mapinfo-mi inissaannut inissilluakkat 897-it inissilluarneqarputtaaq.

Nunat aqqi akuerineqanngikkallartut nunallu aqqinik katersinermi suleqatigisimasanut apequtigisassat ukuupput:

- Veerti Terkelsenip (Ilimanaq) Ilimanami najugallip Avannarlernilu meeraasimasut kangerluk **Kangia**-nik ateqartutut oqaatigivaa, Anthon Kristensenilli (Ilulissat) Iluliarmiusup **Ilulissat Kangerluat**-nik taallugu. Suli Nunat Aqqinik Aalajangiisartunit qanoq pisortatigoortumik ateqassanersoq aalajangerneqanngilaq, paasissutissat ujartugassat marlussuit amigaataasut pissutigalugit aalajaalangiisoqanngikkallarluni.

- Anthon Kristensen (Ilulissat):

- Anthon suleqatiginerani **Allorasissat**-nik allassimasaq **Allorarissat**-issanersoq apequtigineqassaaq.

- Pavia Olsenimut (Oqaatsut):

- **Tunnerit** qanoq isumaqartinneqarnersoq apequtigineqassaaq.
Nalunaarsugaataareersuni Tunerit-nik ateqartinneqarpoq.


- Marius + Jørgen Jensen (Saqqaq):

- **Qaarusuit**-nik nalunaarsugaatigisarput Jørgen aamma Marius Jensenip **Qaarsut**-nik ateqartitaat pillugu itinerusumik paasiniaaffigissavakka.

- Pavia Lange (Qeqertaq):

- **Ujaa** (Fjeld) qanoq isumaqarpa? Suna aallaavigaa

- Johannes Tobiassen (Niaqornat):



- **Avataasalissuup Kuua** Johannesimut qanoq isumaqarnerisooq apeqqutigineqassaaq.
Nalunaarsugaataareersut malillugit **Avataasallip Kuua**-nik ateqartinneqarsimavoq.

- Ole Mørch (Nuugaatsiaq):

- **Inguttartooq** Olemut qanoq isumaqartinneqarnerisooq apeqqutigineqassaaq.
Nalunaarsugaataareersut malillugit **Igutsartooq**-mik ateqartinneqarpoq.

- Severin Jonathansen + Jens Terkelsen (Ikerasak):

- **Aannerit Tasiat, Aannerit Nuuat** aamma **Aannerit Qaqqaat** Severinimut
Jensimullu qanoq isumaqartinneqarnerisooq apeqqutigineqassapput.
Nalunaarsugaataareersut malillugit **Aannerit Tasiat**-nik, **Aannerit Nuuat**-nik kiisalu
Aannerit Qaqqaat-nik ateqartinneqarput.

Nunat Aqqinik Aalajangiisartut nunap aqqa aalajangiiffigisassaaq minittoorsimasaat tassaavoq:

- Nalunaarsugaataareersuni **Uperniviuup Illoqarfikua**-nik ateqartinneqartoq, Jakob Zeebip Jakob Skade-llu Upernavik-mik ateqarneragaat aalajangiivineqarsimanngimmat Nunat Aqqinik
Aalajangiisartunit aalajangiivigineqartariaqassaaq. Nunat aqqi tassunga attuumassutillit Nunat
Aqqinik Aalajangiisartunit **Upernivik**-uinnartinneqarput.
- Nalunaarsugaataareersuni **Kangimut Sammisukasik**-mik ateqartinneqartoq, Ole Mørch-imilli
Akussakassak-mik ateqartinneqartoq aalajangiivigineqarsimanngimmat Nunat Aqqinik
Aalajangiisartunit aalajangiivigineqartariaqassaaq.

Carl Chr. Olsen
Siulittaasoq

Lisathe M. Kruse
Allatsi